

# Gerhana bukti keagungan Ilahi

CATATAN



USTAZ DR FIRDAUS YAHYA

TARIKH 9 Mac 2016 adalah detik bersejarah dalam kehidupan 82 rakyat Singapura yang berada di Palembang.

Tepat 7.20 pagi waktu tempatan, mereka disajikan dengan pemandangan yang cukup mengagumkan: gerhana penuh matahari. Satu pemandangan yang jarang dapat dilihat.

Ramai daripada mereka mengalirkan air mata. Kesyahduan mencengkam jiwa. Tersentuh dengan keagungan Sang Pencipta.

Persiapan melihat gerhana penuh itu bermula seawal 2015 lagi.

Syarikat pelancongan Sunny Island Travel & Tours merupakan satu-satunya syarikat pelancongan Melayu tempatan yang menyediakan pakej melihat gerhana itu.

Peserta yang mengikuti rombongan itu diberi taklimat dan penerangan berkenaan gerhana agar mereka memahami fenomena itu dan dapat menyediakan persiapan yang perlu untuk mencerapnya.

Pagi 9 Mac disambut dengan deretan awan tebal yang berkepul-kepul di ufuk timur.

TEMPAT PALING STRATEGIK LIHAT GERHANA

Puluhan ribu manusia yang sudah berkumpul dari subuh mula berkerut di dahi. Hati berdebar-debar bimbang, takut tidak dapat melihat pemandangan hebat gerhana penuh yang tidak akan kembali di kawasan yang sama selama 54 tahun lagi.

Rancangan asal rombongan Sunny Island itu adalah bergabung dengan ribuan rakyat Indonesia dan luar negara di Masjid Agung Palembang yang berdekatan dengan Sungai Musi.

Jambatan Ampera yang merentasi Sungai Musi adalah tempat paling strategik untuk melihat gerhana.

Namun jambatan itu sudah dikhaskan untuk mereka yang sudah membeli pakej festival gerhana. Mereka disajikan dengan sarapan dan acara sampingan.



BERI TUMPUAN: Sekumpulan warga Singapura yang turut bersama Ustaz Dr Firdaus Yahya ke Palembang, Indonesia, begitu sungguh-sungguh menyaksikan gerhana yang berlaku pada 9 Mac lalu. - Foto-foto SUNNY ISLAND TRAVEL & TOURS



Pada saat-saat akhir, ketua rombongan membuat keputusan untuk menukar tempat mencerap. Ini setelah mereka mendengar bahawa ada beberapa orang dari Belanda yang telah menjumpai tempat strategik untuk melihat gerhana, jauh daripada Sungai Musi.

Namun, langit yang mendung pagi itu tetap membimbangkan.

Manusia merancang, Allah menentukan. Maka mereka dianjurkan memperbanyak doa dan membaca ayat Kursi dalam perjalanan ke tempat mencerap. Harapan mereka satu: semoga Allah mengabulkan hasrat mereka mahu melihat gerhana penuh matahari.

Mereka diingatkan dari awal lagi bahawa perjalanan melihat gerhana ini merupakan satu ibadah, bukan setakat berseronok melihat fenomena yang hebat itu.

Mereka diterangkan tentang ibadat-ibadat khas yang boleh dilakukan ketika gerhana. Ini termasuk mendirikan solat gerhana, berzikir, berdoa dan mengeluarkan sedekah.

Setibanya rombongan itu di kawasan mencerap iaitu di sebidang tanah lapang yang mempunyai ufuk sebelah timur yang terbuka, mereka mendapati langit masih lagi 'kotor' dengan awan yang tebal.

Ini tidak mematahkan semangat mereka. Setiap orang bergegas mencari tempat untuk mendirikan alat kamera dan video.

Setelah melakukan persiapan tersebut, mereka berkumpul untuk melakukan solat gerhana. Doa dipanjatkan dengan penuh keikhlasan.

Selesai sahaja solat, awan mula menguak, memperlihatkan matahari yang tertutup sejak awal pagi.

Ketika itu, mereka dapat melihat hampir 70 peratus permukaan matahari sudah ditutupi bulan.

Awan terus berarak lalu. Matahari sekejap timbul dan sekejap hilang.

Mulut mereka yang ada di padang tersebut terus berkumat-kamit, bertasbih, berdoa, memohon kepada Allah agar diperlihatkan gerhana penuh nanti.

Dalam masa yang sama, tabung mula bergerak dari seorang ke seorang, mengumpulkan sedekah yang akan diserahkan kepada rumah anak yatim.

SEMACAM KEAJAIBAN BERLAKU

Semangnya Allah tidak mengecewakan permintaan hamba-Nya yang ikhlas. Beberapa minit sebelum saat terjadinya gerhana penuh, satu perkara yang amat ajaib berlaku.

Kawasan langit di sekeliling matahari tiba-tiba bersih daripada sebarang awan. Bukan itu sahaja, malah kawasan awan yang terbuka itu membentuk segi empat dengan matahari berada hampir di tengah-tengahnya. Ia seakan-akan jendela langit dibuka untuk semua yang berada di padang tersebut melihat gerhana total.

Keadaan sekeliling mula menjadi gelap tetapi gelap yang amat berlainan. Ia bukan gelap malam, bukan gelap berawan, tetapi

gelap yang menjadikan suasana kelimat seolah-olah alam sekeliling berwarna kelabu.

Saat terakhir sebelum matahari ditutupi bulan, ia mengeluarkan satu cahaya yang amat terang. Seolah-olah keseluruhan cahaya matahari berebut hendak meloloskan diri daripada celah-celah bulan yang hampir menutupinya. Inilah fenomena 'cincin berlian' kerana bagi yang melihatnya, ia seolah-olah sebertuk cincin berlian raksasa di langit.

Tiba-tiba matahari menjadi gelap! Gerhana penuh sedang berlaku. Keadaan sekeliling menjadi amat kelimat seperti waktu maghrib. Bunyi cengkerik mula terdengar di sekeliling. Ayam mula berkokok. Binatang-binatang menjadi keliru, menyangka malam sudah tiba.

Di langit, bebola matahari yang hitam dikelilingi cahaya putih yang terang. Inilah korona matahari. Ia adalah gas panas yang keluar daripada permukaan matahari.

Pemandangan ini yang menitis air mata syahdu. Ditambah pula dengan keinsafan akan kebesaran Allah dan kemurahan-Nya memperlihatkan gerhana penuh walaupun keadaan langit yang keruh dengan awan yang tebal.

Penyatuan bulan dan matahari ini hanya berlaku selama dua minit sahaja di Palembang. Selepas itu bulan mula meninggalkan matahari. Cahaya matahari berebut keluar dari celah-celah bulan untuk menyinari bumi kembali. Fenomena 'cincin berlian' berlaku sekali lagi.

NIKMAT Pemandangan CUKUP Mengagumkan

Beberapa saat kemudian, awan kembali menutupi matahari. Seakan-akan isyarat daripada Allah: Cukuplah untuk kamu nikmat ini. Nikmat pemandangan yang tidak dapat dipulangkan sepanjang hayat telah dianugerahkan oleh Allah dalam masa dua minit tersebut.

Laporan media massa memaklumkan bahawa puluhan ribu manusia di Palembang kecewa kerana tidak dapat melihat gerhana penuh akibat awan tebal yang menutupi langit.

Sesungguhnya mereka yang berada di padang tersebut merupakan antara yang paling bertuah mendapat anugerah melihatnya.

Keadaan sekeliling kembali cerah namun matahari tetap tidak dapat dilihat kerana terus ditutupi awan.

Bulan terus meninggalkan matahari, dan sejam kemudian tiada satu pun bahagian matahari yang terlindung dengan bulan.

Gerhana telah berakhir. Rombongan Singapura dan Belanda mula mengemas barang-barang mereka, meninggalkan padang tersebut dengan kenangan manis.

Hati sudah terpaat. Azam sudah terpaat.

Wahai bayangan rembulan di siang hari! Kami akan berusaha terus menjejarmu.

► Penulis pengasas pusat pendidikan Darul Huffaz.

## 'Nama saya 'Pintu''

PANDANGAN WARTAWAN



FAKHRURADZI ISMAIL  
mfis@mail@sph.com.sg

"SEKARANG abah kasi nama dia Ahmad. Pasal dia suka pintu, taruk nama dia Ahmad Pintu... Ahmad Pintu tak bagus. 'Pintu' dalam bahasa Arab, 'albab', jadi abah taruk nama dia Ahmad Albab!"

Bagi peminat filem Allahyarham Tan Sri P. Ramlee, anda mungkin masih ingat petikan babak dalam filem *Ahmad Albab* yang menunjukkan si datuk memberi nama kepada cucunya yang hanya berhenti menangis sebaik sahaja dia mengetuk pintu.

Hasil ketukan tersebut, maka terlahirlah nama Ahmad Albab.

Ketika menyentuh tentang pilihan nama untuk anak, ada kalanya kita terfikir tentang filem Melayu kerana ada yang memaparkan nama anak yang begitu unik, malah cara nama itu diperolehi juga ada kalanya begitu luar biasa.

Baru-baru ini ketika saya menonton filem itu semula, saya dapati babak tersebut boleh dikaitkan dengan keadaan masa kini dan menjadi bahan perlu terhadap ibu bapa tatkala mereka hendak memberi nama kepada cahaya mata mereka. Malah, tidak menghairankan jika ia mencerminkan realiti hidup dalam dunia serba moden ini meskipun filem itu diterbitkan hampir 50 tahun lalu.

MAHU NAMA UNIK

Ramai ibu bapa bagaikan dilanda dilema dan cabaran besar dalam mencari nama sesuai untuk anak yang akan lahir - mereka mahu yang unik tetapi tidak terlalu 'bergaya'.

Nama anak diperolehi melalui pelbagai cara berbeza - daripada campuran nama kedua-dua ibu bapa hingga kepada mendapat ilham setelah melihat atau membaca sesuatu yang menarik perhatian mereka.

Ada juga ibu bapa yang menggunakan bahasa asing untuk dijadikan nama si anak kerana ia didapati mempunyai sebutan yang sedap seperti 'Albab'. Memberi nama sebegini bak trend di kalangan mereka.

Lihat sahaja rencana yang disiarkan dalam akhbar *The Straits Times* minggu lalu mengenai ibu bapa alaf baru yang memberi nama pelik dan susah disebut kepada anak mereka.

Terlahirlah nama seperti Abcde (disebut sebagai Ab-si-dee) dan Rheago (disebut sebagai Rah-he-go) yang diambil sempena watak dalam siri televisyen popular *Game of Thrones*.

Rencana yang mendapat banyak perkongsian dalam laman sosial Facebook itu turut menyatakan kian ramai orang di serata dunia memberi nama luar biasa dan aneh kepada bayi mereka.

Laporan mengenai ibu alaf baru yang diterbitkan oleh Goldman Sachs pada Mei lalu menyebut tentang kajian yang menunjukkan terdapat pengurangan jumlah bayi yang diberi nama popular dan tradisional.

Satu kajian yang dilakukan pada 2012 oleh Universiti Victoria di Wellington, New Zealand, pula menunjukkan bahawa jika nama anda mudah disebut, orang lain akan menganggap anda mudah dipercayai. Sebaliknya, jika nama anda susah disebut, ada yang akan melihat anda sebagai orang yang tidak boleh dipercayai.

Setiap orang Islam disunatkan memberi nama yang elok kepada anaknya, sesuai dengan sabda Rasulullah *saw* yang bermaksud:

"*Sesungguhnya kamu semua akan diseru/dipanggil pada hari kiamat dengan nama kamu dan nama bapa kamu. Oleh itu perelokkanlah nama kamu.*" (Hadis riwayat Imam Abu Daud dari Abu Dardak *ra.*)

NAMA LAMBANG DOA

Nama seharusnya melambangkan identiti dan ciri seseorang. Tambahan pula ia juga melambangkan doa dan harapan ibu bapa terhadap anaknya.

Justeru, sebaiknya setiap pilihan nama anak perlu ada tujuan dan maksud yang boleh menjadi atau mengandungi doa yang baik.

Pasangan ibu bapa juga perlu sentiasa ingat bahawa sesuatu nama yang diberikan kepada anak mereka boleh mempengaruhi kehidupan mereka apabila dewasa kelak.

Mungkin ada yang tidak suka nama yang tertera dalam kad pengenalan mereka kerana sering diejek atau dipertandingkan dan akhirnya akan menyebabkan sesuatu kejadian yang tidak diigini berlaku.

Maka itu, jika anda tidak mahu kejadian tersebut berlaku, berilah nama yang sempurna kepada cahaya mata anda untuk kebaikan dirinya dan juga sebagai ibu bapa.

**AZZA TRAVEL & TOURS PTE LTD**  
390 Victoria Street, #01-49, Golden Landmark  
Tel: 6292 7110 Email: enquiries@azzatravel.com  
Waktu perniagaan:  
Isnin - Jumaat 9.30 pagi - 6.30 petang / Sabtu 10 pagi - 3 petang

---

**KEBERANGKATAN KHAS 2016**

<b>JEPUN</b> 6H Japan Best Flower Season 7H Hokkaido Special (by train)	bkt. 19 Mei bkt. 04 Ogos	dr. S\$2448 dr. S\$2498	<b>TOKYO RAILDAYS</b> (Percuma 3H Kanto Rail Pass) Gala Yuzawa dr. S\$168 & Mt.Fuji + Kawaguchiko dr. S\$188
<b>KOREA</b> 6H Discover Seoul Autumn 6H Discover Seoul 9H Korea Winter Ski Experience 6H Discover Seoul Ski	bkt. 27 Okt bkt. 05 Dis bkt. 19 Dis bkt. 27 Dis	dr. S\$1288	<b>*5H Sabah Pre-Ramadhan Special</b> bkt. 26 Mei S\$888 (dgn tax)
<b>MALAYSIA</b> 4H Terengganu Gambang 1H/2H Melaka Hari Ibu High Tea 3H KL + Melaka	bkt. 24 Mac bkt. 08, 07 Mei bkt. 30 Apr	S\$230 S\$75/S\$145 S\$165	<b>Berangkat Setiap Hari</b> 3H Yogyakarta Tour dr. S\$388 4H Medan Lake Toba dr. S\$398 3H Bandung Tour dr. S\$408
<b>INDONESIA</b> 4H Bali Dolphin Watching 4H Lombok Special 6H Bali & Lombok 5H Jakarta Puncak Bandung	bkt. 03 Sep, 23 Dis bkt. 06 Ogos bkt. 01 Dis bkt. 07 Dis		
<b>LAIN-LAIN</b> 6H Dubai & Abu Dhabi 10H Montenegro Croatia Bosnia 11H Highlights of Turkey 10H Finland: Laplands + Lights 11H Spain - Andalucia	bkt. 02 Dis bkt. 20 Apr bkt. 08, 17 Dis bkt. 12 Dis bkt. 09 Dis	dr. S\$1288 dr. S\$2038	

---

**KELAS UMRAH**

Kelas Umrah akan diadakan di:  
Masjid Al Iman (3, 10, 17, 24 Apr)  
Masjid Darul Aman (27 Mac, 3, 10, 17 Apr)  
Waktu: 8.30 - 10.30 pagi (Ahad)

**UMRAH 2016**

12H Umrah bkt. 09 Apr dr. S\$3300  
13H Umrah bkt. 04 Mei dr. S\$3280

Medina: Sofraa Al Huda  
Makkah: Swissotel, Le Meridien

**UMRAH AKHIR TAHUN**

11H Umrah bkt. 21 Dis dr. \$2890  
12H Umrah bkt. 10, 14 Dis dr. \$3450  
13H Umrah bkt. 02 Dis dr. \$3150

Medina: Sofraa Al Huda - Makkah: Rotana Marwa, Le Meridien

**UMRAH RAMADHAN**

13H Umrah Awal Ramadhan  
bkt. 03 Jun dr. \$4750

14H Umrah Akhir Ramadhan  
bkt. 24 Jun  
Medina: Sofraa Al Huda  
Makkah: Le Meridien atau setaraf

**UMRAH PLUS**

15H Umrah Baitulmaqdis bkt. 06 Dis  
15H Umrah Turkey bkt. 06 Dis

Visa Umrah tertakluk kepada Kelulusan Pihak Kementerian Arab Saudi

**Discover Greener Pastures**

Call 1800 289 8822 or e-mail  
notices@sph.com.sg to place your  
Change of Address Notices

THE BUSINESS TIMES  
**NOTICES**